

Na osnovu člana 56. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj 35/05) i Poglavlja IV Programa mjera zdravstvene zaštite životinja na Tuzlanskom kantonu za 2016. godinu, broj: 04/1-24-6915/16, od 08.03.2016. godine, na koji je Vlada Tuzlanskog kantona dala saglasnost Odlukom, broj: 02/1-24-6915-1/16, od 15.03.2016. godine, a u vezi sa članom 124. Zakona o veterinarstvu („Službene novine Federacije Bosne i Hercegovine“, broj: 46/00), Ministar poljoprivrede, šumarstva i vodoprivrede d o n o s i

## **ODLUKU**

### **o sufinansiranju mjera zdravstvene zaštite životinja, na području Tuzlanskog kantona, za 2016. godinu**

#### **I**

Ovom Odlukom odobrava se sufinansiranje mjera zdravstvene zaštite životinja, na području Tuzlanskog kantona, za 2016. godinu, iz sredstava planiranih Budžetom Tuzlanskog kantona za 2016. godinu, razdjel 14, glava 01, potrošačko mjesto 0001 i to u iznosu od 238.000 KM (slovima: dvjestotridesetosamhiljadakonvertibilnihmaraka i 00/100) za vakcinaciju goveda protiv bedrenice i 6.000,00 KM (slovima: šesthiljadakonvertibilnihmaraka i 00/100) za vakcinaciju svinja protiv klasične kuge svinja, kako slijedi:

- a) 7,00 KM (slovima: sedamkonvertibilnihmaraka i 00/100) po grlu za vakcinaciju goveda protiv bedrenice (antraksa) i
- b) 3,00 KM (slovima: trikonvertibilnemarka i 00/100) po grlu za vakcinaciju svinja protiv klasične kuge svinja.

#### **II**

Sredstva će se doznačiti veterinarskim organizacijama, nakon što izvrše vakcinaciju goveda protiv bedrenice (antraksa) i vakcinaciju svinja protiv klasične kuge svinja, na području epizootiološke jedinice (općine) na kojoj je veterinarska organizacija registrirana.

#### **III**

Sufinansiranje mjera iz tačke I ove Odluke provodit će se za sva propisno obilježena grla, koja budu vakcinisana u periodu od dana dobivanja saglasnosti Vlade Tuzlanskog kantona na ovu Odluku do 31.10.2016. godine, u skladu sa raspodjelom predviđenom u Poglavlju III Tabela 2, Programa mjera zdravstvene zaštite životinja na području Tuzlanskog kantona za 2016. godini.

#### **IV**

Za isplatu sredstava iz tačke II ove Odluke, veterinarske organizacije su dužne podnijeti zahtjev Ministarstvu poljoprivrede, šumarstva i vodoprivrede Tuzlanskog kantona, najkasnije do 15.11.2016. godine.

Uz zahtjev, iz prethodnog stava, potrebno je dostaviti:

- a) fakturu,
- b) fiskalni račun,
- c) izvještaj o izvršenoj vakcinaciji na Obrascu broj 10, a u skladu sa Pravilnikom o sadržaju, obliku i načinu vođenja evidencije i načinu i rokovima dostavljanja izvještaja o obavljanju veterinarske djelatnosti („Službene novine Federacije Bosne i Hercegovine“, broj: 5/16),
- d) izvještaj o izvršenoj vakcinaciji u elektronskoj formi.

## V

Veterinarske organizacije su dužne vlasniku životinje izdati potvrdu o izvršenoj mjeri vakcinacije goveda protiv bedrenice (antraksa) ili vakcinacije svinja protiv klasične kuge svinja, neposredno poslije provođenja mjere, koja mora sadržavati sljedeće podatke: - ime i prezime vlasnika, - adresu, - brojeve ušnih markica vakcinisanih grla, - datum i naziv vakcine.

Veterinarske organizacije su dužne vlasniku životinje izdati potvrdu o izvršenim mjerama zdravstvene zaštite, u skladu sa članom 3. stav (3) Naredbe o mjerama kontrole zaraznih i parazitarnih bolesti životinja i njihovom provođenju u 2016. godini („Službeni glasnik Bosne i Hercegovine“, broj: 4/16).

## VI

Inspekcijski nadzor vršiti će Kantonalni veterinarski inspektor, u skladu sa operativnim planom Kantonalne uprave za inspekcijske poslove Tuzlanskog kantona.

Nakon obavljenog inspekcijskog nadzora iz stava (1) ove tačke, Kantonalni veterinarski inspektor je dužan o istom obavjestiti Ministarstvo poljoprivrede, šumarstva i vodoprivrede Tuzlanskog kantona.

Ministarstvo poljoprivrede, šumarstva i vodoprivrede će primjenom metode slučajnog uzorka ili vlastite procjene, zatražiti vršenje inspekcijskog nadzora.

Kantonalni veterinarski inspektor dužan je u vezi sa svakim pojedinačnim zahtjevom za vršenje inspekcijskog nadzora, dostaviti Ministarstvu poljoprivrede, šumarstva i vodoprivrede Tuzlanskog kantona zapisnik o izvršenom inspekcijskom nadzoru, najkasnije u roku od sedam (7) dana od dana zaprimanja zahtjeva.

## VII

U slučaju kada Ministarstvo poljoprivrede, šumarstva i vodoprivrede Tuzlanskog kantona utvrdi da je određena veterinarska organizacija, prilikom podnošenja zahtjeva za isplatu sredstava za obavljenju vakcinaciju iz tačke I ove Odluke, podnijela ili predočila lažne podatke ili isprave ili prešutila određene okolnosti i činjenice, o navedenom će obavjestiti Kantonalnog veterinarskog inspektora, radi utvrđivanja i izricanja upravnih ili drugih mjera.

Ukoliko Ministarstvo poljoprivrede, šumarstva i vodoprivrede Tuzlanskog kantona utvrdi da je radnjama iz stava (1) ovog člana ostvarena nezakonita korist, pokrenut će i provesti postupak za povrat nezakonito stečenih sredstava.

## VIII

Za realizaciju ove Odluke zadužuje se Ministarstvo poljoprivrede, šumarstva i vodoprivrede Tuzlanskog kantona i Ministarstvo finansija Tuzlanskog kantona.

## IX

Ova Odluka stupa na snagu danom dobivanja saglasnosti Vlade Tuzlanskog kantona, a bit će objavljena u "Službenim novinama Tuzlanskog kantona".

**Bosna i Hercegovina**  
**Federacija Bosne i Hercegovine**  
**TUZLANSKI KANTON**  
**Ministarstvo poljoprivrede,**  
**šumarstva i vodoprivrede**

Broj: 04/1-24- 11248-1/16



**MINISTAR**  
**Abdulah Zukić, dipl. oec.**